




Republika e Kosovës  
Republika Kosova - Republic of Kosovo  
Komisioni Qendror i Zgjedhjeve  
Centralna Izborna Komisija  
Central Election Commission



# ANALIZIMI I VENDVOTIMEVE TË RINUMËRUARA NË QNR 2009 - 2019



Prishtinë, Dhjetor 2020

© [2020] - [Komisioni Qendror i Zgjedhjeve]

Raporti "Analizimi i vendvotimeve të rinumëruara në QNR 2009 - 2019" është hartuar nga Komisioni i caktuar për të analizuar të gjitha vendvotimet të cilat janë rinumëruar në proceset zgjedhore Lokale dhe për Kuvendin e Kosovës nga viti 200- deri 2019.

Përbajtja e këtij raporti është përgjegjësi e vetme e Komisionit Qendror të Zgjedhjeve të Republikës së Kosovës.

[www.kqz-ks.org](http://www.kqz-ks.org)

kqz.sekretariati@kqz-ks.org  
Ruga Migjeni, Nr. 21  
10 000, Prishtinë  
Republika e Kosovës

## PËRMBAJTJA

---

HYRJE.....	1
METODOLOGJIA .....	2
ZGJEDHJET LOKALE.....	3
ZGJEDHJET LOKALE 2009.....	3
ZGJEDHJET LOKALE 2013.....	5
ZGJEDHJET LOKALE 2017.....	8
KRAHASIMI I VENDVOTIMEVE TË ZGJEDHJEVE LOKALE 2009 - 2017 .....	10
ZGJEDHJET PËR KUVENDIN E KOSOVËS .....	12
ZGJEDHJET E PARAKOHSHME PËR KUVENDIN E KOSOVËS 2010 .....	12
ZGJEDHJET E PARAKOHSHME PËR KUVENDIN E KOSOVËS 2014 .....	13
ZGJEDHJET E PARAKOHSHME PËR KUVENDIN E KOSOVËS 2017 .....	15
ZGJEDHJET E PARAKOHSHME PËR KUVENDIN E KOSOVËS 2019 .....	17
KRAHASIMI I VENDVOTIMEVE TË ZGJEDHJEVE PËR KUVENDIN E KOSOVËS 2010 – 2019.....	19
REKOMANDIM .....	23

KQZ:	Komisioni Qendoror i Zgjedhjeve
SKQZ:	Sekretariati i Komisionit Qendoror të Zgjedhjeve
QNR:	Qendra e Numërimit dhe Rezultateve
KVV:	Këshilli i vendvotimit
KV:	Kutia e votimit
FR:	Formular i rezultateve
FPR:	Formular i përputhjes se të dhënave dhe rezultateve
FRK:	Formulari i rezultateve të kandidatit
ZFK:	Zarfi i fletëvotimeve me kusht
VPNV:	Votimi i personave me nevoja të vecanta
LPV:	Lista përfundimtare e votuesve
LVK:	Lista e votuesve me kusht
FDh:	Futja e të dhënave
PZAP:	Paneli zgjedhor për ankesa dhe parashtesa
KZAP:	Komisioni i zgjedhjeve për ankesa dhe parashtesa
ZKK:	Zgjedhjet për Kuvendin Komunal
ZKK:	Zgjedhjet për Kryetarë të Komunave
KK:	Zgjedhjet për Kuvendin e Kosovës
KKZ:	Komisioni Komunal i Zgjedhjeve
SP:	Subjekti politik
VV:	Vendvotimi

## HYRJE

---

Zgjedhjet janë proces universal me të cilin populli zgjedh përfaqësuesit e saj brenda territorit të atij vendi apo shteti duke marrë pjesë në zgjedhje. Bazuar në Ligjin për Zgjedhjet e përgjithshme, Rregulla nr. 06-2013 percakton se KQZ bazuar në procedurat e QNR mund te marr vendim për rinumërimin e votave në cilindo vendvotim, Qendër të votimit. Shënimi i të dhënave të saktë në Formularët e Rezultateve është faktor shumë i rëndësishëm në Demokracinë e një vendi, që do të thotë se rezultatet në zgjedhje përforcojn besimin ne të zgjedhurit e tyre. Në secilin proces zgjedhor problematika e nevojës së rinumërimit të vendvotimeve duket se është e pashmangshme. Trendi i numrit të rinumërimeve ndryshon varësisht nga natyra e zgjedhjeve ndersa faktorët që ndikojnë në nevojën e rinumërimit janë mos shënim i saktë i të dhënave në Formularë të Rezultateve e sidomos problematika më e madhe është tek votat e kandidatëve.

Problematika e rritjes së rinumërimit të vendvotimeve mund të jetë e ndikuar nga shumë faktor të jashtëm mirëpo nga krahasimet e mëposhtme mund të shihen faktorët që kanë mundur të ndikojnë mos shënimin e saktë të dhënave në formular të Rezultateve.

Raporti pasqyron të dhënat për vendvotimet e rinumëruara të proceseve zgjedhore nga viti 2009 deri në vitin 2019. Zgjedhjet Lokale janë organizuar në vitin 2009, 2013 dhe 2017 ndersa zgjedhjet e parakohshme për Kuvendin e Kosovës janë mbajtur në vitin 2010, 2014, 2017 dhe 2019. Në raport janë të pasqyruara dhe janë analizuar tri kategori të rinumërimeve

- a) **Analizimi i vendvotimeve nga karantina.** Në karantinë dergohen kryesisht vendvotimet të cilat gjatë procesit të pranimit të materialit të ndjeshëm nuk mund të procesohen si të rregullta për shkak të mospërputhjes së shiritave të sigurisë, gjatë pranimit evidentohet se Formularët e Rezultateve nuk janë të plotësuara apo Komisioni Komunal i Zgjedhjeve (KKZ) në reportin e KKZ-së nuk ka evidentuar arsyet se pse kutija është e hapur. Si rezultat i këtyre parregullsive materialet e vendvotimeve (kutija e votimit dhe gjithë materialet tjera nga ai vendvotim dërgohen në karantinë për hetim. Vendvotimet të cilat edhe pas hetimit nuk mund të procesohen si të rregullta, rekomandohet të rinumërohen.
- b) **Analizimi i vendvotimeve nga Auditimi.** Formularët e Rezultateve (FPR dhe FRK) në bazë të Procedurave të QNR-së, Formularët e Rezultateve i nënshtrohen procesimit të dyfishtë dhe për të gjithë Formularët e Rezultateve të cilat nuk e kalojnë auditimin, me rekomandim nga QNR-ja, KQZ merr vendim për rinumërim.
- c) **Analizimi i vendvotimeve me vendim të PZAP.** Vendvotimet që rinumërohen me vendim të PZAP vijnë si rezultat i ankesave kryesisht të kandidatëve për mos shënim të saktë të votave për kandidat. Vendimi i PZAP kryesisht vjen pasi KQZ të ketë kryer të gjitha proceset e përpilimit dhe tabulimit të rezultateve për subjekte dhe kandidatë. Me vendim të PZAP kemi raste specifike tek një numër vendvotimesh pasi që FR kanë kaluar auditimin çka do të thotë se nuk kanë mos përputhje, mirëpo pas rinumërimit shihet se ne shumicën e rasteve votat e kandidatëve brenda subjektit nuk tejkalojen por nuk janë shënuar saktë.

## METODOLOGJIA

---

Raporti i analizimit të vendvotimeve të rinumëruara nga zgjedhjet 2009 – 2019 është hartuar nga Komisioni i caktuar për të analizuar të gjitha vendvotimet të cilat janë rinumëruar në proceset zgjedhore Lokale dhe për Kuvendin e Kosovës duke ndjekur ketë metodë:

- a) **Analizimi i vendvotimeve nga karantina.** Analizimi i të dhënave të raporteve të karantinës nga Qendra e Numërimit dhe Rezultateve sipas viteve zgjedhore, në bazë të cilave KQZ dhe PZAP ka marrë vendim për rinumërimin e vendvotimeve.
  - Analizimi i raporteve të QNR-së që nderlidhen me vendvotimet nga karantina sipas viteve zgjedhore.
  - Kategorizimi i arsyeve për vendvotimet e rinumëruara nga Karantina sipas viteve zgjedhore.
  - Analizimi i vendimeve të KQZ-së dhe PZAP për rinumërimin e vendvotimeve nga karantina
- b) **Analizimi i vendvotimeve nga Auditimi.** Analizimi i të dhënave të raporteve të auditimit nga Qendra e Numërimit dhe Rezultateve sipas viteve zgjedhore, në bazë të cilave KQZ ka marrë vendim për rinumërimin e vendvotimeve.
  - Analizimi i raporteve të QNR-së që nderlidhen me vendvotimet nga auditimi sipas viteve zgjedhore.
  - Kategorizimi i arsyeve për vendvotimet e rinumëruara nga auditimi sipas viteve zgjedhore.
  - Analizimi i vendimeve të KQZ-së për rinumërimin e vendvotimeve nga auditimi
- c) **Analizimi i vendvotimeve me vendim të PZAP.** Analizimin e vendvotimeve sipas viteve zgjedhore për të cilat PZAP ka marrë vendim për rinumërim, si rezultat i ankesave kryesish të kandidatëve:
- d) Krahasimin e vendvotimeve dhe Qendrave të votimit ne të cilat ka pasur më së shumti rinumërime sipas viteve zgjedhore duke i krahasuar rinumerimet ne zgjedhjet Lokale dhe rinumërimet në zgjedhjet për Kuvendin e Kosovës..

Në ketë analizë krahasohen edhe vendvotimet të cilat janë derguar në karantinë duke i krahasuar në proceset zgjedhore Lokale dhe krahasimin e vendvotimeve që janë dërguar në karantinë në proceset zgjedhore për Kuvendin e Kosovës. Po ashtu krahasohen sipas proceseve zgjedhore edhe numri i pergjithshem i vendvotimeve si dhe numri i vendvotimeve që janë rinumëruar me vendim të PZAP.

## ZGJEDHJET LOKALE

---

Zgjedhjet Lokale për Kryetar Komune dhe Kuvendin Komunal janë mbajtur në vitin 2009 (15 nëntor), të cilat janë organizuar në 36 Komuna për Kryetar Komune dhe Kuvendin Komunal, më pastaj zgjedhjet pasuese Lokale për Kryetar Komune dhe Kuvendin Komunal janë organizuar pas katër vitesh (03 nëntor 2013), në të gjitha Komunat e Republikës së Kosovës. Zgjedhjet e fundit Lokale për Kryetar Komune dhe Kuvendin Komunal janë organizuar me 22 tetor 2017 në 38 Komuna. Në secilin proces zgjedhor si rezutat i parregullsive në plotësimin e Formularëve të Rezultateve po ashtu edhe mos përputhjeve në mes të votave të subjekteve me votat e kandidatëve janë rinumëruar vendvotime me vendim të KQZ-së (karantina dhe auditimi) si dhe vendvotimet e rinumëruara me vendim të KZAP emri i tanishëm PZAP, në bazë të ankesave të kandidatëve.

## ZGJEDHJET LOKALE 2009

---

Zgjedhjet Lokalë për Kryetar Komune dhe Kuvendin Komunal janë organizuar në 36 Komuna në gjithsej 746 Qendra të Votimit me 2256 venvotime.

Në zgjedhjet Lokale 2009, gjatë procesit të pranimit të materialit të ndjeshëm në Qendrën e Numërimit dhe Rezultateve, 82 vendvotime ose në përqindje 3.83%, nuk kanë mundur të procesohen si të rregullta dhe janë derguar në karantinë për hetime të mëtutjeshme.

Nga procesi i karantinës dhe më pastaj hetimet e këtyre vendvotimeve, një numër i madh i vendvotimeve është dashur të rinumërohen, mirëpo edhe pas rinumërimit, disa vendvotime kanë rezultuar se kanë mospërputhje mes numrit të nënshkrimeve dhe fletëvotimeve apo tejkalim të nivelit të tolerancës. Për shkak të numrit të madh të vendvotimeve të cilat janë rinumëruar dhe tejkalimit të nivelit të tolerancë  $+/- 3$ , Komisioni Qendor i Zgjedhjeve miraton rekomandimin e Qendrës së Numërimit dhe Rezultateve (QNR) përritjen e nivelit të tolerancës/mospërputhjes në mes të Fletëvotimeve të hedhura dhe Regjistrat të Votuesve në një Vendvotim në Zgjedhjet Lokale të 15 nëntorit 2009 *si në vijim*:

*Niveli maksimal i tolerancës në rast të mospërputhjes në mes numrit të Fletëvotimeve të hedhura në një Vendvotim dhe numrit të Votuesve të regjistruar në atë Vendvotim do të jetë néntë (9) plus/minus.*

Si rezultat i kësaj, një numër shumë i madh i vendvotimeve nuk janë përjashtuar

Nga 82 vendvotime të cilat kanë shkuar në karantinë për shkak të parregullsive gjatë pranimit, 48 prej tyre edhe pas hetimeve të bëra ne bazë të procedurave të QNR-së, prap nuk kanë mundur të procesohen si të rregullta. Nga tejkalimi i nivelit të tolerancës, 23 vendvotime janë përjashtuar nga rezultatet përfundimtare

dhe 3 VPKV, ndërsa 15 vendvotime janë përjashtuar me vendim të KZAP, 2 vendvotime nuk kanë pasur fare vota dhe 8 vendvotime pas rinumërimit janë përfshirë në rezultatet përfundimtare.

Me vendim të KQZ-së			Me vendim të KZAP	Gjithsej
Karantina	Auditimi	Për Kryetar Komune Raundi i dytë		
23	5	9	15	52

Tabela 1. Vendvotime të përjashtuara në zgjedhjet Lokale 2009

Arsyet kryesore që vendvotimet janë përjashtuar nga rezultatet përfundimtare, e për të cilat KQZ ka marrë vendim për ti anuluar janë kryesisht fletëvotime më shumë se nënshkrime, fletëvotime të votave me kusht të perziera me votat e rregullt. Ndërsa në Raundin e dytë janë përjashtuar tri vendvotime të rregullta, tri vendvotime me të dyfishta, 2 vendvotime të dyfishta vetëm votat e rregullta dhe një VPKV.

Në dy vendvotime nuk ka votuar asnjë votues.

Vendvotime të cilat janë rinumëruar në QNR të zgjedhjeve për Kuvendin Komunal nga karantina dhe vendvotimet që nuk kanë mundur të kalojnë auditimin janë 256 vendvotime, prej tyre 8 nga karantina dhe 2 vendvotime kanë pasur zero vota, dhe 246 vendvotime janë rinumëruar nga auditimi.

Në bazë të procedurave të QNR-së, gjatë procesimit të Formularëve të Rezultateve, një numër i konsiderueshm i Formularëve të Rezultateve nuk kalojnë auditimin dhe ne bazë të rekomandimeve, KQZ merr vendim për ti rinumëruar. Nga hetimi në auditim janë rinumëruar 33 vendvotime, për shkak të mungesës së FRK-së janë rinumëruar 40 vendvotime dhe 173 vendvotime janë rinumëruar për shkak të mospërputhjeve në mes të votave të subjekteve dhe kandidatëve. Ndërsa me vendim të KZAP janë 15 vendvotime të rinumëruara.

FRK e vendvotimeve të cilët nuk kanë mundur të kalojnë auditimin kanë kryesisht mospërputhje të votave të subjekteve me votat e kandidatëve:

Këto janë arsyet që Formularët e Rezultatëve (FRK) për Kuvendin Komunal nuk kanë mundur të procesohen si të rregullta dhe nuk kanë mundur të kalojnë auditimin në QNR dhe për të cilat KQZ në bazë të rekomandimeve të QNR-së ka marrë vendim për ti rinumëruar.

Nga kahasimi i të dhënave të rinumërimeve për secilin proces, duke kahasuar numrin e vendvotime përkundrejt numrit të përgjithshëm të vendvotimeve 2256, rezulton se nga procesi i karantinës janë rinumëruar 8 vendvotime, 0.35% e vendvotimeve, të rinumëruara për shkak se FRK kanë pasur zero vota janë 2 vendvotime, 0.09% ndersa nga procesi i auditimit ka numër më të madh të vendvotime të rinumëruara. Janë rinumëruar 246 vendvotime ose 10.90% ndersa me vendim të KZAP-it si rezultat i ankesave janë rinumëruar 15 vendvotime, 0.66%. Ndërsa në total i të gjitha kategorive, janë rinumëruar 269 vendvotime ose 11.92%.




Figura 1. Përqindja e vendvotimeve të rinumëruara në zgjedhjet Lokale 2009

## ZGJEDHJET LOKALE 2013

---

Zgjedhjet Lokale 2013 janë organizuar në terë territorin e Republikës së Kosovës, 2366 vendvotime. Materialet e ndjeshme nga të gjitha Komunat janë pranuar me datë 04 nëntor përpos Komunave Mitrovicë e Veritu, Zveçan, Leposaviq dhe Zubint Potok të cilat janë pranuar me datë 5 nëntor. Gjatë pranimit të materialit të ndjeshëm nga këto komuna, QNR-ja nuk ka mundur t'i procesoj si të rregullta për shkak se ne të gjitha vendvotimet kanë munguar elementet bazë për procesimin e tyre, pra te gjitha FPR-të për Kryetar Komune, FPR-të dhe FRK-të për Kuvendin Komunal nuk kanë qenë të plotësuara. Në bazë të këtyre të gjeturave, sipas rekomandimit të QNR-së, KQZ ka marrë vendim për numërimin e 94 vendvotimeve nga katër Komunat e lartëcekura.

Duke i'u referuar raporteve nga QNR të procesit të karantinës, rezulton se kemi një numër të madh të vendvotimeve në karantinë. Janë 534 raste në hapësirën e karantinës të cilat do të hetohen për shkak se nuk kanë mundur të procesohen si të rregullta. 308 vendvotime për Kryetar Komune, 363 për Kuvendin Komunal, prej tyre 181 vendvotime janë derguar e karantine per dy llojet e zgjedhjeve.

Arsyet kryesore për materialet në karantinë janë si vijojnë:

1. Dy apo më shumë shirita mbyllës nuk përputhen me numrat e regjistruar në FPR;
2. Shiriti mbyllës i mesëm mungon në kutinë e votimit apo numri i tij nuk përputhet me atë që është regjistruar në FPR.

3. Materiali i ndjeshëm mungon. Një nga materialet në vijim nuk është pranuar, LPV, FPR, FRK, libri i votimit ose qesja me zarfat e fletëvotimeve me kusht.
4. Korigjime në FPR dhe/ose FRK apo këto formularë janë të pakompletuara.
5. Parregullsi në VPKV ose vendvotime të dyfishta ku LVPNV/ LVK nuk janë shfrytëzuar ose zarfi me fletëvotimeve të PNV ose ZFK mungon.

Për arsyet e lartëcekura materialet e ndjeshme nuk kanë mundur të procesohen si të rregullta dhe është dashur të dergohen në karantinë për hetime dhe më pastaj rekomandime për procesimin e materialit si të rregullt apo për rinumërim.

Gjatë pranimit 8 vendvotime janë derguar në karantinë sepse kanë munguar Listat Përfundimtare të Votuesve (LPV), mungesë të nënshkrimeve të 15 vendvotime. Nga karantina janë rinumëruar 32 vendvotime, 1.35% për Kryetar Komune dhe 57 vendvotime, 2.41% për Kuvendin Komunal.

Ndërsa në Komunën e Zveçanit një vendvotimi i mungon LPV dhe 2 vendvotime nuk kanë sjellur kutitë e votimit dhe për këto vendvotime nuk ka rezultate.

Për shkak të mungesës së LPV janë perjashtuar nga Rezultatet gjithsej 9 vendvotime, 3 në Leposaviq, 3 në Prizren, dhe 3 në Zveçan.

Nga procesi i Auditimit, natyra e mospërputhjeve është e njejtë sikur zgjedhjet Lokale 2009,

1. Kandidati ka më shumë vota se Subjekti
2. kandidatët kanë më shumë vota se Subjekti
3. Subjektet nuk kanë vota dhe kandidatët kanë vota
4. Subjektet kanë vota dhe kandidatët nuk kanë vota

Në kategorinë 1 dhe 2 janë rinumëruar gjithsej 468 vendvotime, prej tyre 310 janë rinumëruar votat e vetëm atij Subjekti tek të cilët Formularët e Rezultateve nuk kanë mundur të kalojnë Auditimin për shkak të mospërputhjeve matematikore mes votave të Subjektit dhe Kandidatëve. Ndërsa rinumërim të plotë ka pasur në 158 vendvotime. Vendimi i KQZ-së për rinumërim të votave vetëm të atij Subjekti ku ka mospërputhje ka ardhur ne bazë të rekomandimit të QNR-së dhe dallimi i votave nga Auditimit i votave të Subjektit dhe votave të Kandidatëve ka qenë 1-3 vota.

Në kategorinë 3 dhe 4 janë rinumëruar gjithsej 56 vendvotime, ku rinumërim të pjesëshem ka pasur në 46 vendvotime dhe rinumërim të plotë në 10 vendvotime.

Në bazë të vendimit të Panzelit Zgjedhor për Ankesa dhe Parashtresa janë rinumëruar 12 vendvotime për Kryetar Komune në Komunën e Klinës. Ndërsa për Kuvendin Komunal, PZAP ka marrë vendim për rinumërimin e 71 vendvotimeve, 3 prej te cilave janë rinumëruar më herët nga QNR.

Në figurën e mëposhtme shihet përqindja e vendvotimeve të rinumëruara për Kryetar Komune 1.86 dhe Kuvendin Komunal 27.43%.




Figura 2. Përqindja e vendvotimeve të rinumëruara për Kryetar Komune dhe Kuvendin Komunal

Në zgjedhjet Lokale për Kryetar Komune dhe Kuvendin Komunal janë rinumëruar gjithsej 693 vendvotime apo 29.29%.

Në raundin e dytë është rinumëruar një vendvotim nga Komuna e Zveçanit.




Figura 3. Përqindja e vendvotimeve të rinumëruara në zgjedhjet Lokale 2013

## ZGJEDHJET LOKALE 2017

---

Zgjedhjet Lokale për Kryetar Komune dhe Kuvendin Komunal janë organizuar në 38 Komuna, në 2505 vendvotime. Gjatë Pranimit të materialit të ndjeshëm, një numër i vendvotimeve nuk kanë mundur të pranohen si të rregullta për shkak të mos respektimit të procedurave të paketimit në Komisioni Komunal Zgjedhor. QNR në bazë të procedurave nuk ka mundur ti pranojë si të rregullta dhe jane hetuar 159 raste nga karantina dhe ne bazë të gjetjeve gjatë hetimit jane kategorizuar për rekomandim për KQZ sipas kategorive.

*111 raste pas hetimit në QNR i rekomandohen KQZ-se qe te procesohen te rregulla*

*21 raste i rekomandohen KQZ-se qe te rinumerohen, nga te cilat 4 jane pjesërisht ndersa 17 jane rinumerim i plotë.*

*27 raste qe nderlidhen me Zarfet e Fletevotimeve me Kusht qe ka mosperputhje mes numrit te nenshkrimeve dhe ZFK-ve si dhe fletëvotimit me kusht janë pa Zarfe të sigurisë i rekomandohen KQZ-se qe te anulohen varesisht nga mosperputhja e numrit te ZFK-ve*

*Në tri 5 raste te hetimit jane te perfshira te dyja kutitë per Kryetar Komune si dhe për Kuvend Komunal,*

*Një numër i Formularëve të Rezultateve (FPR) i vendvotimeve për Kryetar Komune nuk kanë mundur të kalojnë Auditimin për shkak të mosperputhje të fletëvotimeve të pranuara, të perdonura dhe të papërdorura, dallimi mes nenshkrimeve mes LPV dhe Rubrikës 5 dhe 8 të FPR. Gabim në plotësimin e FPR, mos shperndarja e votave tek Kandidatët per Kryetar Komune.*

*Qendra e Numërimit dhe Rezultateve ne baze te procedurave ka hetuar vendvotimet te cilat per shkak te mos perputhjeve të lartëcekura dhe pas hetimit rezulton se 8 vendvotime për kryetar Komune kanë mosperputhje qe nuk mund te kalojne Auditimin. KQZ për dy vendvotime ka rritur nivelin e tolerancës nga +/-3 në +/-6 për vendvotimet në Prizren dhe janë procesohen si të rregulla.*

Gjatë procesimit të Formularëve të Rezultateve FPR dhe FRK një numër i vendvotimeve nuk kanë mundur të procesohen si të rregulla për shkak se nuk kanë mundur të kalojnë Auditimit. Janë 695 Vendvotime prej të cilave 52 janë të nderlidhura me FPR për Kuvendin Komunal dhe 643 kanë të bejnë me mosperputhje në mes të votave të Subjekteve dhe kandidatëve.

- Kandidatët kanë me shumë vota se Subjekti.
- Subjekti ka vota me kandidatët nuk kanë vota 221 Vendvotime.

Nga analizimi i ketyre vendvotimeve te cilat janë rinumëruar, rezulton se 401 vendvotime kanë mosperputhje matematikore mes votave te Subjektit dhe votave të Kandidatëve, pra mosperputhja është vetëm tek një Subjekt në 401 vendvotime. Gjatë Auditimit të mosperputhjeve, janë 53 vendvotime të cilat kanë mosperputhje të votave të Subjekteve dhe Kandidatëve tek dy Subjekte. Mosperputhje tek tri Subjekte janë 14 vendvotime, 6 Subjekte është një vendvotim dhe mosperputhje në FPR në mes të numrit të fletëvotimeve të pranuara, përdorura, të vlefshme, të pavlefshme, dëmtuara dhe të zbrazëta janë 52 vendvotime dhe në 174 vendvotime rezulton se Subjekti ka vota ndërsa kandidatët nuk kanë vota.

Kategoria	Numri i Vendvotimeve
1 Subjekt	401
2 Subjekte	53
3 Subjekte	14
6 Subjekte	1
FPR	52
Subjekti ka vota, kandidatet zero	174
	695

Tabela 2. Arsyet e rinumërimit të vendvotimeve

Ndersa kategoria tjetër është tek mosperputhet e votave të Kandidatëve në raport me numrin e Subjektit/teve. Në Auditim është gjetur se ka mospërputhje për një votë tek 196 vendvotime dhe nga 20 deri 50 vota mospërputhje janë 13 vendvotime. Numri i përgjithshëm i vendvotimeve të rinumëruara nga Auditimi është 695 vendvotime.

Pas Publikimit nga KQZ të Rezultateve për Kuvendin Komunal, me vendim të PZAP, në bazë të ankesave janë të kandidatëve, janë rinumëruar 431 vendvotime të rregullta dhe 3 dengje të votave me postë.

Gjithsej në QNR për Kryetar Komune, janë rinumëruar 11 vendvotime apo 0.44%, prej tyre 3 nga karantina dhe 8 nga Auditimit, ndërsa për Kuvendin Komunal janë rinumëruar 1147 vendvotime apo 45.79%. Prej tyre nga karantina janë rinumëruar 21 vendvotime apo 0.84%, nga Auditimi janë rinumëruar 695 vendvotime apo 27.74% dhe me vendim të PZAP 431 vendvotime apo 17.21%.




Figura 4. Përqindja e vendvotimeve të rinumëruara në zgjedhjet Lokale 2017

## KRAHASIMI I VENDVOTIMEVE TË ZGJEDHJEVE LOKALE 2009 - 2017

Nga kahasimet sipas Komunave në secilën palë zgjedhje për numrin e vendvotimeve të cilat nuk kanë mundur të procesohen si të rregullta dhe janë dërguar në karantinë, shihet se në zgjedhjet Lokale 2013 kemi 534 vendvotime në karantinë apo 22.57%. Rënie kemi në zgjedhjet Lokale 2017 ku numri i venvotimeve në karantinë është 159 vendvotime apo 6.35%. Ndersa numrin me të vogël të vendvotimeve në karantinë kemi në zgjedhjet Lokale 2009 ku kanë qenë 82 vendvotime apo 3.63%.




Figura 5. Përqindja e vendvotimeve në karantinë në zgjedhjet Lokale 2009 – 2017

Vendvotimet të cilat janë rinumëruar në zgjedhjet Lokale, numrin me të vogël të rinumërimeve e kanë në zgjedhjet Lokale 2009 ku janë rinumëruar 271 vendvotime, në përqindje 12.01%. Prej tyre 8 vendvotime apo 0.35% janë rinumëruara nga Karantina, 246 vendvotime apo 10.90% nga Auditimi dhe 17 vendvotime apo 0.75% me vendim të PZAP.

Në zgjedhjet Lokale 2013, 89 venvotime apo 3.76% nga Karantina, 524 vendvotime apo 22.15% nga Auditimi dhe 80 vendvotime apo 3.38% nga PZAP. Gjithsej vendvotime të rinumëruara janë 693 vendvotime apo 29.29%.

Në zgjedhjet Lokale 2017 kemi rinumërimin me të madh të vendvotimeve. 21 vendvotime apo 0.84% janë rinumëruar nga karantina, 695 vendvotime apo 27.74% janë rinumëruar nga Autimit dhe 431 vendvotime apo 17.21% janë rinumëruar me vendim të PZAP. Numri i përgjithshëm i vendvotimeve të rinumëruara për zgjedhjet Lokale 2017 është 1147 vendvotime apo 45.79%.




Figura 6. Përqindja e vendvotimeve të rinumëruara në zgjedhjet Lokale 2009 – 2017

Nga analiza e vendvotimeve të rinumëruara vërehet se numrin me të madh të vendvotimeve e kanë vendvotimet të cilat nuk mund të kalojnë Auditimin për shkak të mospërputhjeve matematikore mes votave të Subjeteve dhe votave të Kandidatëve. Kjo do të thotë se një apo më shumë kandidat kanë vota me shumë se Subjekti, dhe rastet tjera kur për Subjekt ka vota dhe për kandidat nuk ka vota dhe anasjelltas. Në QNR të gjithë Formularët e Rezultateve (FPR dhe FRK) i nenshtrohen procesimit të dyfishtë të të dhënave dhe për shkak të mospërputhjeve të lartëcekura nuk mund të kalojnë Auditimin. Pas secilit proces të rinumërimit, krijohen FPR dhe FRK të reja në bazë te fletëvotimeve të cilat gjenden brenda kutisë së votimit dhe rezultatet e reja nga FPR dhe FRK i nenshtrohen procesimit të dyfishtë.

Vendvotimet e rinumëruara në zgjedhjet Lokale 2009 me vendim të PZAP, duke i krahasuar me zgjedhjet Lokale 2017, kemi rritje të dukshme, nga 17 vendvotime apo 0.75%, në zgjedhjet Lokale 2013, 80 vendvotime apo 3.38% dhe rritja më e madhe është në zgjedhjet Lokale 2017 ku me vendim të PZAP janë rinumëruar 431 vendvotime apo 17.21%.




Figura 7. Përqindja e vendvotimeve të rinumëruara me vendim të PZAP në zgjedhjet Lokale 2009 -2017

## ZGJEDHJET PËR KUVENDIN E KOSOVËS

---

Zgjedhjet për Kuvendin e Republikës së Kosovës që nga viti 2010 e tutje janë mbajtur vazhdimesht zgjedhje të parakohshsme. Zgjedhjet janë organizuar në terë territorin e Republikës së Kosovës si një zonë e vetme zgjedhore. Krahasuar me zgjedhjet Lokale, në zgjedhjet e parakohshme për Kuvendin e Kosovës, nuk janë mbajtur në kohën e rregullt çdo katër (4) vite, por të parakohshme. Organizimi i zgjedhjeve është berë brenda afatit ligor prej 30 deri 45 ditë dhe është përcjellur me një numër të madh të rinumërimeve.

## ZGJEDHJET E PARAKOHSHME PËR KUVENDIN E KOSOVËS 2010

---

Zgjedhjet e Parakohshme për Kuvendin e Kosovës janë mbajtur me 12 dhjetor 2010, në 37 Komuna, si një zonë zgjedhore. Në karantinë janë derguar 43 vendvotime, pasi që nuk kanë mundur të pranohen si të rregullta dhe arsyet janë; FPR e paplotësuar, Shiritat nuk perputhen, nuk ka arsy ne raportin e pranimit, Mungon FRK, Mungon LPV, etj. Pas hetimit që është berë, rezulton se për disa vendvotime nuk kanë mundur te eliminohen parregullsitë dhe nga karantina janë rinumëruar 19 vendvotime. Arsyet përinumërim janë: FPR e paplotësuar, Mospërputhje mes FPR dhe FRK, Mungon FPR.

Problemi më i madh i cili ishte shfaqur gjatë procesimin të të dhënave nga Formularët e Rezultateve, ishte mospërputhja e votave të Subjekteve me votat e Kandidatëve. Për ketë arsy 760 vendvotime nuk kanë mundur të kalojnë Auditimin për shkak të mospërputhjeve matematikore.

1. *Mospërputhje e Formularëve të Përputhjes së Rezultateve (FPR);*
2. *Shuma e votave për kandidatë e kalon përsë herë shumën e votave për subjektin politik;*
3. *Një kandidat ka marrë më shumë vota përkundër subjektit të tij politik;*
4. *Subjekti Politik nuk ka fituar vota, kurse kandidatët kanë vota;*

Rivotimi në Komunën e Deçanit, Gllogocit, Skenderaj, 2 QV në Lipjan dhe një Qendër e Votimit në Malishevë janë organizuar me 9 janar 2011.

Vendvotime të cilat janë anuluar me vendim të KQZ-së janë 5 vendvotime pLr shkak të mospërputhjeve mes fletëvotimeve dhe nënshkrimeve në Listën Përfundimtare të Votuesve.

Edhe në rivotim, arsyet janë pothuajse të njejta, se pse vendvotimet nuk mund të kalojnë Auditimin dhe janë 92 vendvotime përtu rinumëruar nga rivotimit i datës 9 janar 2011.

Përveq këtyre rasteve të theksuara më lartë, Qendra e Numërimit dhe Rezultateve (QNR), ka identifikuar një numër të lartë të fletëvotimeve të paplotësuara dhe të pavlefshme të shënuara në FPR-të e vendvotimeve që kanë shkuar në Rivotim me datën 9 Janar 2011.

Për këtë arsy, me rekomandim nga Qendra e Numërimit dhe Rezultateve (QNR), dhe me vendim nga Komisioni Qendror i Zgjedhjeve (KQZ), janë rinumëruar gjithsejt 12 vendvotime, në mënyrë që të vërtetohet vlefshmëria e të dhënavë të shënuara në FPR.

Rivotimi në Komunën e Mitrovicës është berë me 23 janar 2010, ku nga ky proces ne karantinë janë derguar 2 vendvotimet të cilat për shkak të mospërputhjeve nga hetimi në Karantinë, me vendim të KQZ-së janë rinumëruar. Ndersa nga Procesi i Auditimit për arsyet e njejtë 36 vendvotime janë rinumëruar.




Figura 8. Përqindja e vendvotimeve të rinumëruara në zgjedhjet për Kuvendin e Kosovës 2010

## ZGJEDHJET E PARAKOHSHME PËR KUVENDIN E KOSOVËS 2014

---

Zgjedhjet e Parakohshme për Kuvendin e Kosovës janë mbajtur me 08 qershor 2014, të cilat janë organizuar në 38 Komuna dhe 2374 vendvotime. Në ketë proces zgjedhor në karantinë kanë qenë 36 vendvotime për shkak të mospërputhjeve gjatë procesit të pranimit. QNR ka hetuar vendvotimet dhe prej tyre 22 procesohen si të rregullta dhe 14 vendvotime janë rinumëruar. Parregullsite gjate procesit te pranimit janë sepse kane pasur probleme me shirita te sigurisë, disa nga Formularët e Rezultateve kane qene te paplotësuar, Nderhyrje në FPR, Mungan FRK.

Gjatë procesimit të Formularëve të Rezultateve (FPR dhe FRK) në bazën e të dhënavë, një numër i Formularëve të Rezultateve nuk mund të kalojnë Auditimin dhe sikur në proceset tjera, edhe në zgjedhjet e Parakohshme për Kuvendin e Kosovës 2014, është dashur të rinumërohen nga Auditimi 439 vendvotime për shkak të mospërputhjeve mes votave të Subjekteve dhe Kandidatëve. Natyra është e njejtë sikur ne zgjedhjet e kaluar, kur Kandidati ose kandidatët kanë vota më shumë se Subjekti dhe kur Subjekti ka vota dhe Kandidatët nuk kanë vota dhe anasjelltas.




Figura 9. Përqindja e vendvotimeve të rinumëruara në zgjedhjet për Kuvendin e Kosovës 2014

Krahasuar me zgjedhjet për Kuvendin e Kosovës 2010, kemi numër më të vogël të vendvotimeve të rinumëruara. Nga karantina janë rinumëruar 14 vendvotime apo 0.59%, nga Auditimit janë rinumëruar 439 vendvotime apo 18.49%, gjatë procesimit të FR-ve tek 10 vendvotime apo 0.42% ju kanë munguar faqe dhe nuk kanë mundur të procesohen si të rregullta dhe me vendim të PZAP janë rinumëruar 51 vendvotime apo 2.15%. Gjithsej vendvorime të rinumëruara janë 514 vendvotime apo 21.65%.

Në këto zgjedhje vendvotimi dy vendvotime nuk është përfshirë në rezultate përfundimtare për shkak të tejkalimit të nivelit të tolerancës.

Vendvotimet të cilat PZAP ka kërkuar të rinumërohen, 38 prej tyre janë rinumëruar vetëm për kandidatët ankesa e të cilëve është miratuar nga PZAP ndersa për 13 vendvotime kemi pasur rinumërim të plotë.

## ZGJEDHJET E PARAKOHSHME PËR KUVENDIN E KOSOVËS 2017

---

Zgjedhjet e Parakohshme që janë mbajtur me 11 qershori 2017 të cilat janë organizuar në 38 Komuna dhe 2490 vendvotime. Gjatë pranimit të materialit të ndjeshëm një numër i vendvotimeve nuk kanë mundur të pranohen si të rregullta për shkak se nuk janë respektuar procedurat e pranim dorzimit. Rastet me të shpeshta kanë qenë kryesisht:

- *Nderrimi i shiritave, rastet me te shpeshta qe jane evidentuar gjate pranimit te materialit te ndjeshem janë nderrimi i shiritave të sigurise, qe do te thote se nuk eshte respektuar procedura pra edhe pse shiritat janë nderruar, nuk janë evidentuar askund ne raportin e Pranimit. KKZ nuk ka pasur arsyetim per nderrimin e shiritave.*
- *Mungan Lista Perfundimtare e Votuesve.*
- *Mungan Formulari i Rezultateve të Kandidatëve (FRK)*
- *Mungan Libri i Votimit*
- *Formularët e Rezultatetave (FPR dhe FRK) nuk janë nënshkruar nga anëtarët e Këshillit të Vendvotimit.*
- *Nuk janë plotësuar Formularët e Rezultatetave, ku FPR eshte plotësuar ndersa FRK nuk eshte plotësuar dhe FRK eshte plotësuar ndersa votat e subjektit në FPR nuk janë plotësuar.*
- *Ne Listen e Votuesve me Kusht janë te shenuar emrat e personave qe kanë votuar, por nuk kanë nënshkrime qe do te thote se nuk eshte respektuar procedura e votimit me kusht.*
- *Emrat e personave qe kane votuar me kusht janë te shenuar ne Librin e Votimit por pa nenhkrime.*
- *Nuk perputhet numri i Zarfeve te Fletet votimeve me Kusht (ZFK) me nenhkrimet ne Listen e Votuesve me Kusht.*
- *Ne listen e votuesve me kusht nuk ka te shenuar asnjë votues me kusht.*
- *Disa vendvotime edhe pse kane nderruar lokacionin nuk kane mbajtur emrin e vendvotimit por kane shenuar numrin e vendvotimit ne te cilin janë bartur.*

*Gjate hetimit sipas Procedurave te QNR nuk eshte verejtur ndonje parregullsi tek te gjitha keto vendvotime, KQZ është rekomanduar qe 135 vendvotime të procesohen si te rregullta.*

*Tek disa Formular të Rezultateve eshte evidentuar se mungojn nenhkrimet e KVV ne Formularët e Rezultatetave. Pas hetimit nuk eshte verejtur ndonje parregullsi dhe në bazë të vendimit 30 vendvotime janë rinumëruar.*

*Pas hetimit tek 2 vendvotimet rezulton se mungan Formulari i Rezultateve te Kandidateve (FRK), dhe raste tjera nuk eshte gjetur FRK mbrenda kutisë së votimit dhe janë rinumëruar.*

*Nga gjetjet pas Pranimit të materialeve të ndjeshme shihet se në 12 vendvotime, Formularët e Rezultatetave te Kandidateve (FRK) janë të pa plotësuar ndersa 13 vendvotime kanë pasur plotësim të pjesërishtëm dhe të gjitha këto vendvotime janë rinumëruar.*

*Ndërsa 19 vendvotime të dyfishta kanë pasur probleme me votat me kusht kryesisht mosperputhje mes numrit të zarfeve dhe nenhkrimeve ne Librin e Votimit me Kusht. Gjate Pranimit ne QNR eshte evidentuar*

se tek thesi i Zarfeve te Fletëvotimeve me Kusht ne disa raste ka me shume ZFK se nenshkrimet ne Listen e Votuesve me Kusht.

Raste tjera janë kur mungojnë Zarfet e Sigurisë, mungojnë zarfet e Fletëvotimeve me kusht edhe pse jane nenshkrimet ne LVK dhe rast tjetër kur janë shenuar votuesit me kusht ne Librin e Votimit pa nenshkrimet ne cilet nuk janë regjistruar ne LVK. Te gjitha zarfet apo votat me kusht te cilat evidentohen se njera apo tjetra nuk gjinden, të tillat të refuzohen.

Gjatë procesimit të Formulareve të Rezultateve ne futjen e te dhenave, një numër i vendvotimeve nuk mund te procesohen pasi qe tejkalojne nivelin e tolerances dhe dergohen ne Auditim.

Rastet me te shpeshta ne Auditim janë kur Subjekti nuk ka vota dhe Kandidatet kane vota, me shume vota se subjekti, nje kandidat ka me shume vota se Subjekti. Po ashtu janë edhe rastet kur ka ngaterrim rubrikash, mirepo keto raste ne baze te Procedurave te QNR-së mund te permiresohen në Auditim. Nga analizimi i ketyre rasteve janë klasifikuar 4 kategori të mos përputhjeve të Formularëve të Rezultateve ku pjesa më e madhe ka të bejë me votat për kandidat.

Qendra e Numërit dhe Rezultateve gjatë Auditimit të Formularëve të Rezultateve ka gjetur mosperputhje te votat e Kandidateve perkundrejt votave te subjekteve, në bazë të Auditimi të mospërputhjeve

Kategoria 1. Mospërputhje e votave të kandidatëve vetëm te një (1) Subjekt

Kategoria 2. Mospërputhje e votave të kandidatëve te dy (2) Subjekte

Kategoria 3. Mospërputhje e votave të kandidatëve te tri (3) Subjekte

Kategoria 4. Mospërputhje në Formular të Rezultateve

Nga keto kategori janë edhe disa dallime te votave sidomos te kategoria 1 ku eshte gjetur mosperputhje vetem te një Subjekt mirepo kemi rastet kur subjekti nuk ka vota dhe kandidatet kane vota.

Nga procesi i Auditimit janë rinumëruar 115 vendvotime dhe më pastaj përsëri edhe 280 vendvotime nga Auditimi që bejnë gjithsej 395 vendvotime si dhe 117 vendvotime me vendim të PZAP, ndersa me vendim të Gjykatës Supreme janë rinumëruar pjesërisht 23 vendvotime, vetëm votat për Subjektin KNRP.




Figura 10. Përqindja e vendvotimeve të rinumëruara në zgjedhjet për Kuvendin e Kosovës 2017

Në zgjedhjet e parakohshme për Kuvendin e Kosovës 2017, nga procesi i karantinës janë rinumëruar 30 vendvotime apo 1.20%, Nga Auditimi janë rinumëruar 395 vendvotime apo 15.86%, me vendim të PZAP janë rinumëruar 117 vendvotime apo 4.20% dhe me vendim të Gjykatës Supreme janë rinumëruar 23 vendvotime apo 0.92%, vendvotimet të cilat janë rinumëruar vetëm votat e Subjektit që është ankuar. Gjithsej vendvotime të rinumëruara në këto zgjedhje janë 565 vendvotime apo 22.69%.

## ZGJEDHJET E PARAKOHSHME PËR KUVENDIN E KOSOVËS 2019

---

Në zgjedhjet e Parakohshme për Kuvendin e Kosovës që janë mbajtur me 6 tetor 2019, zgjedhjet janë organizuar në 38 Komuna dhe 2547 vendvotime. Gjatë Pranimit të materialit të ndjeshëm (kutitë e votimit, Formularët e Rezultateve, Listat Përfundimtare të Votuesve, Libri i Votimit dhe Votat me kusht), një numër i vendvotimeve nuk kanë mundur të pranohen si të rregullta për shkak të mos respektimit të procedurave të paketimit.

Në karantinë kanë qenë gjithsejt 101 vendvotime te cilat QNR në bazë të procedurave nuk ka mundur ti pranojë si të rregullta dhe jane hetuar 30 raste nga karantina dhe ne bazë të gjetjeve pas hetimit në QNR vetëm 10 janë rekomanduar KQZ për rinumërim.

Gabim në bartjen e votave (Gabim teknik në printimin e Formularëve të Rezultateve FPR)

Tek kjo kategori fillimisht 304 vendvotimeve janë rinumëruar me vendim të KQZ-së, në bazë të rekomandimit të QNR-së, për shkak të gabimit teknik në printimin e Formularëve të Rezultateve dhe si rrjedhojë edhe votat e subjekteve politike janë bartur tek subjektet tjera. Nga mos shënimi i saktë ka rezultuar se rezultatet ne FPR nuk janë te sakta dhe QNR ka identifikuar një numër të vendvotimeve me problemin e kesaj natyre. Mirëpo në kohen e identifikimit materialet ishin në proces dhe QNR nuk ka mundur ta nderprejë punën për identifikimin e të gjithë këtyre FPR dhe si rrjedhojë te gjithe FRK me kete problem kanë shkuar ne auditim sepse nuk janë përputhur votat e kandidatëve me votate e subjekteve. Dhe nderkohe në Adutim janë identifikuar edhe një numer i vendvotime me problematiken e njejtë.

Nga vendvotimet te cilat nuk kanë mundur të kalojnë Auditimit janë 529 vendvotime, prej tyre 149 nga gabimi teknik në printimin e Formularëve të Rezultateve.

Ndersa tek kategoria e mosperputhjes mes votave te Subjekteve me votat e Kandidateve, nga të gjeturat ne të dhënat në formularët e rezultateve FPR dhe FRK dhe nga krahasimi i votave të subjekteve me votat e kandidatëve rezulton se tek te gjitha këto raste kandidatët kanë më shumë vota se subjekti.

Komsioni Qendor i Zgjedhjeve në bazë të rekomandimit merr vendim për 380 vendvotime në të cilat në Formularët e Rezultateve për kandidat (FRK) rezulton se kandidatët kanë më shumë vota se subjekti (FPR), të gjitha këto vendvotime të rinumërohen (rinumërim i plotë).

Nga procesi i rinumërit të vendvotiemeve për zgjedhjet e parakohshme nga karantina janë rinumëruar 10 vendvotime apo 0.39%, për shkak të gabimit teknik në printimin e Formularit të Rezultateve (FPR) janë

rinumëruar 453 vendvotime apo 17.79%, nga Auditimi janë rinumëruar 384 vendvotime apo 15.08% dhe me vendim të PZAP janë rinumëruar 1407 vendvotime apo 55.24%. Gjithsej vendvotime të rinumëruara janë 2254 vendvotime apo 88.50% kurse të mbetur pa u rinumëruar janë 293 vendvotime apo 11.50%.



Figura 11. Përqindja e vendvotimeve të rinumëruara në zgjedhjet për Kuvendin e Kosovës 2019

## KRAHASIMI I VENDVOTIMEVE TË ZGJEDHJEVE PËR KUVENDIN E KOSOVËS 2010 – 2019

Nga kahasimet e proceseve zgjedhore për Kuvendin e Kosovës, shihet përvendvotimet e rinumëruara, numrin me të madh të vendvotimeve të rinumëruara janë në zgjedhjet 2019 ku janë rinumëruar 2254 vendvotime apo 88.50%, kurse numrin me të vogël të vendvotimeve të rinumëruara janë në zgjedhjet për Kuvendin e Kosovës 2014, ku janë rinumëruar gjithëj 514 vendvotime apo 21.65% dhe në zgjedhjet në vitin 2017 kemi një ngrijte të lehtë ku janë rinumëruar 565 vendvotime apo 22.69%, ndersa në zgjedhjet për Kuvendin e Kosovës janë rinumëruar 919 vendvotime apo 40.31%.




Figura 12. Përqindja e vendvotimeve të rinumëruara në zgjedhjet përvendvotimeve 2010 - 2019

Vendvitime të cilat gjatë procesit të prnaimit të materialit të ndjeshëm dhe të cilat nuk kanë mundur të procesohen si të rregullta për shkak të parregullsive dhe mospërputhjeve gjatë pranimit, në secilin proces zgjedhor dergohen në karantinë përtuhet. Nga hetimi, një numër i madh i vendvotimeve pas permirësimit të gabimeve teknike procesohen si të rregullta dhe një numër i vogël rinumërohen me vendim të KQZ-së.

Numri me i madh i vendvotimeve te cilat gjatë pranimit janë derguar në karantinë është në vitin 2017 ku janë derguar 168 vendvotime apo 6.75%, në vitin 2019 kemi 101 vendvotime në karantinë apo 3.97% ndersa numrin me të vogël e kemi në zgjedhjet 2010 ku janë 43 vendvotime apo 1.89% dhe në zgjedhjet 2014 në karantinë janë derguar 36 vendvotime apo 1.52%.




Figura 13. Përqindja e vendvotimeve vendvotimeve në karantinë në zgjedhjet për Kuvendin e Kosovës 2010 - 2019

Me vendim të PZAP numrin me të madh të vendvotimeve të rinumëruara e kemi në zgjedhjet për Kuvendin e Kosovës 2019 ku janë rinumëruar 1407 vendvotime apo 55.24%. Kurse numri me i vogël i vendvotimeve të rinumëruara me vendim të PZAP është në zgjedhjet 2014 ku janë rinumëruar 51 vendvotime apo 2.15%. Ndërsa në zgjedhjet 2017 janë rinumëruar 117 vendvotime apo 4.70% ndersa në vitin 2010 nuk ka vendvotime të cilat është kërkuar të rinumërohen




Figura 13. Përqindja e vendvotimeve të rinumëruara me vendim të PZAP në zgjedhjet për Kuvendin e Kosovës 2014 -2019

Lloji i zgjedhjeve	Vendvotime	Karantina	Gabimi teknik	Auditimi	PZAP	Gj. Supreme	Gjithsej	Përqindja
Zgjedhjet Lokale 2009	2256	8		246	15		269	11.92%
Zgjedhjet për Kuvendin e Kosovës 2010	2280	19		900			919	40.31%
Zgjedhjet Lokale 2013	2366	89		524	80		693	29.29%
Zgjedhjet për Kuvendin e Kosovës 2014	2374	14		449	51		514	21.65%
Zgjedhjet për Kuvendin e Kosovës 2017	2490	30		395	117	23	565	22.69%
Zgjedhjet Lokale 2017	2505	21		695	431		1147	45.79%
Zgjedhjet për Kuvendin e Kosovës 2019	2547	10	453	384	1407		2254	88.50%

Tabela 3. Numri dhe përqindja e vendvotimeve të rinumëruara të proceseve zgjedhore

Numri i venvotimeve të rinumëruara dallon prej proceseve zgjedhore dhe prej viteve. Në zgjedhjet Lokale për Kuvendin Komunal kemi rritje në zgjedhjet 2017 në krahasim me zgjedhjet Lokale 2009 ku kemi pasur 11.92% të vendvotimeve të rinumëruara. Më shumë se dyfishi i vendvotimeve të rinumëruara është rritur në zgjedhjet për Kuvendin Komunal 2013, 29.29% ndersa ne zgjedhjet 2017 kemi rritje shumëfish që shkon në 1147 vendvotime të rinumëruara apo 45.79%. Ndersa zgjedhjet për Kuvendin e Kosovës perqindjen me të ultë e ka pasur në zgjedhjet në vitin 2014 në përqindje prej 21.65%. Rritje të lehtë ka në zgjedhjet 2017 prej 22.69%. Zgjedhjet 2010 karakterizohen me numër të madh të vendvotimeve të rinumëruara prej 40.31 mirëpo zgjedhjet e fundit të organizuara në vitin 2019 kanë numrin me të madh të vendvotimeve të rinumëruara, prej mese 88.50% ku 55.24% janë rinumëruar me vendim të PZAP.




Figura 14. Numri i vendvotimeve të rinumëruara sipas viteve zgjedhore

Nga këto përqindje të proceseve zgjedhore, përpos zgjedhjeve 2019, ne të gjitha zgjedhjet tjera, numrin me të madh të vendvotimeve të Rinumëruara kanë vendvotimet nga Auditimi. Zgjedhjet për Kuvendin e Kosovës prijnë për numrin me të madh të vendvotimeve të cilat janë rinumëruar nga Auditimi.




Figura 15. Numri i vendvotimeve të rinumëruara nga Auditimi sipas viteve zgjedhore

Ndërkaq sa i përket rinumërimeve sipas zonave urbane dhe rurale, shifat se rinuërimet në secilin proces zgjedhor prijnë vendvotimet të cilat vijnë nga zonat rurale dhe përqindjen me të madhe e kanë në zgjedhjet për Kuvendin e Kosovës 2019 ku janë 53.63% e vendvotimeve të rinumëruara nga zonat rurale. Ndersa zonat Urbane kanë përqindje me të ultë në secilin proces zgjedhor edhe pse në zgjedhjet për Kuvendin e Kosovës janë rinumëruar 34.86% e vendvotimeve nga zonat urbane. Mirëpo në vitin 2019 kemi 55.24% të rinumëruara me vendim të PZAP dhe ndonshta kjo nuk është ndonjë tregues i kuartë për të pasqyruar zonat, vendvotimet e të cilave janë rinumëruar.




Figura 16. Përqindja e vendvotimeve të rinumëruar sipas zonave Urbane dhe Rurale

## REKOMANDIM

---

Gjatë analizimit të vendvotimeve të rinumëruara, në secilën palë zgjedhje, kemi numër të vendvotimeve të cilat gjatë pranimit të materialit të ndjeshëm në QNR (Kutia e votimit, Formularët e Rezultateve, Libri i Votimit, Lista Përfundimtare e Votuesve, thesi me votat me kush), nuk kanë mundur të procesohen si të regulla për shkak të parregullsive të evidentuara në secilën palë zgjedhje dhe janë derguar në Karantinë. Po ashtu edhe nga Auditimi i Formularëve të Zgjedhjeve (FPR dhe FRK) shihet nga të gjeturat e lartë evidentuara se kemi përqindje të madhe të vendvotimeve të cilat rinumërohen nga Auditimi.

Nga te gjeturat që lidhen me materialet te cilat dergohen në karantinë janë evidentuar një varg parregullsive, siç janë:

- *Nderrimi i shiritave, rastet me te shpeshta qe jane evidentuar gjate pranimit te materialit te ndjeshem Jane nderrimi i shiritave te sigurise, qe do te thote se nuk eshte respektuar procedura, pra edhe pse shiriat Jane nderruar, nuk Jane evidentuar askund ne raportin e Pranimit. KKZ nuk e ka evidentuar arsyetimin në Formularin përkatës.*
- *Mungan Lista Perfundimtare e Votuesve.*
- *Mungan Formulari i Rezultateve të Kandidatëve (FRK)*
- *Mungan Libri i Votimit*
- *Formularët e Rezultatetave (FPR dhe FRK) nuk janë nënshkruar nga anëtarët e Këshillit të Vendvotimit.*
- *Nuk janë plotësuar Formularët e Rezultateve, ku FPR eshte plotesuar ndersa FRK pjesërisht eshte e plotesuar.*
- *Ne Listen e Votuesve me Kusht Jane te shenuar emrat e personave qe kanë votuar, por nuk kanë nënshkrime qe do te thote se nuk eshte respektuar procedura e votimit me kusht.*
- *Emrat e personave qe kane votuar me kusht Jane te shenuar ne Librin e Votimit por pa nenhkrime.*
- *Nuk perputhet numri i Zarfeve te Fletëvotimeve me Kusht (ZFK) me nenhkrimet ne Listen e Votuesve me Kusht.*
- *Ne listen e votuesve me kusht nuk ka te shenuar asnjë votues me kusht.*
- *Mos shënimi i saktë i Kodit të vendvotimit të rregullt, dyfishtë dhe VPKV.*

Andaj si rrjedhojë e këtyre të gjeturave, rekomandohet që të ngriten kapacitetet profesionale të trupave zgjedhore duke aplikuar modalitete të reja, që lidhet me procesin e votimit me kusht dhe VPKV dhe paketimit të materialeve zgjedhore.

Nga te gjeturat që lidhen me Formularët e Rezultateve të cilat rinumërohen nga Auditimi janë evidentuar një varg parregullsive, siç janë:

- *Kandidati ka më shumë vota se Subjekti*
- *kandidatët kanë më shumë vota se Subjekti*
- *Subjektet nuk kanë vota dhe kandidatët kanë vota*
- *Subjektet kanë vota dhe kandidatët nuk kanë vota*
- *Nuk janë plotësuar Formularët e Rezultateve, ku FPR eshte plotesuar ndersa FRK pjesërisht eshte e plotesuar.*

Gjatë procedurave të trajnimit të KVV, ti kushtojë rendesi pjesës së numërimit të fletëvotimeve dhe plotësimit të Formularëve të Rezultateve.